



JAVNA USTANOVA ZA PREDŠKOLSKI ODGOJ I OBRAZOVANJE
„NAŠE DIJETE“ TUZLA
KREČANSKA BROJ 3, 75000 TUZLA
ID BROJ: 4209046740000 CENTRALA/FAX: +38735369920
n-dijete@bih.net.ba www.nasedijete.ba

Na osnovu člana 70. i člana 88. Zakona o javnim nabavkama („Sl.glasnik BiH“, broj: 39/14), člana 38. Pravilnika o javnim nabavkama Javne ustanove za predškolski odgoj i obrazovanje „Naše dijete“ Tuzla br. 844/2015, a na prijedlog Komisije za izbor najpovoljnijeg ponuđača za nabavku mliječnih proizvoda, direktor Ustanove donio je sljedeću

O D L U K U

o izboru najpovoljnijeg ponuđača

I

Kao najpovoljniji ponuđač za nabavku roba – *mliječni proizvodi* za potrebe JU „Naše dijete“ Tuzla odabran je „Redex“ d.o.o. Banovići.

II

Zadužuje se stručni saradnik za poslove javnih nabavki da obavijesti sve ponuđače o izboru najpovoljnije ponude iz člana I ove odluke.

III

Zadužuje se Rukovodilac službe za pravne, kadrovske i opće poslove da pripremi sve preduslove za zaključenje okvirnog sporazuma sa izabranim ponuđačem po proteku predviđenih zakonskih rokova i procedura.

III

Vrijednost ove nabavke iznosi 27.749,00 KM bez PDV-a, šifra JRJN 15500000-3 – mliječni proizvodi i ista se uklapa u planiranu vrijednost nabavke.

IV

Odluka stupa na snagu danom donošenja, a istovremeno se stavlja van snage Odluka o izboru najpovoljnijeg ponuđača br. 6576/2018 od 10.12.2018. godine.

OBRAZLOŽENJE

Direktor Ustanove je donio Odluku o pokretanju postupka javne nabavke po konkurentskom zahtjevu za dostavljanje ponuda br. 6245/2018 od 27.11.2018. godine za potrebe Ustanove. Postupak je objavljen na Portalu javnih nabavki BiH broj 1194-7-1-49-3-17/18 od 27.11.2018. godine, a poziv za preuzimanje tenderske dokumentacije sa Portala je upućen privrednim subjektima „Bingo export-import“ d.o.o. Tuzla, „Redex“ d.o.o. Banovići, „Mljekara Smajić“ - Čelić. Predmetnu tendersku dokumentaciju u sistemu „E-nabavke“ preuzelo je 8 (osam) privrednih subjekata.

Nakon prijema ponuda Komisija za provođenje postupka javnih nabavki, imenovana Rješenjem br. 89/2018 od 05.01.2018. godine, je konstatovala da su ponudu predala 2 (dva) ponuđača: „Bosna-kom“ d.o.o. Gračanica - broj protokola ugovornog organa 01-6524/2018-1, i „Redex doo Banovići“ – broj protokola ugovornog organa 01-6525/2018-2. Nakon pregleda pristiglih ponuda, Komisija je utvrdila da ponuđač „Bosna-kom“ doo Gračanica ispunjava uslove tražene tenderskom dokumentacijom, dok ponuda ponuđača „Redex doo Banovići“ je ocijenjena kao neprihvatljiva iz razloga što navedeni ponuđač nije dostavio najmanje tri potvrde o uredno izvršenim ugovorima za period ne duži od tri godine, odnosno jedna od tri



JAVNA USTANOVA ZA PREDŠKOLSKI ODGOJ I OBRAZOVANJE
„NAŠE DIJETE“ TUZLA
KREČANSKA BROJ 3, 75000 TUZLA
ID BROJ: 4209046740000 CENTRALA/FAX: +38735369920
n-dijete@bih.net.ba www.nasedijete.ba

dostavljene potvrde je starija od tri godine, konkretno potvrda RMU Banovići – za ugovor broj: 840/14 od 08.09.2014. godine te je ista odbačena u skladu sa članom 68. stav (4) tačka i) Zakona o javnim nabavkama BiH (Sl. glasnik BiH 39/14). S obzirom da je ponuda ponuđača „Bosna - kom“ d.o.o. Gračanica jedina ocijenjena kao prihvatljiva, Komisija je dostavila direktoru prijedlog za izbor najpovoljnijeg ponuđača „Bosna - kom“ d.o.o. Gračanica. Direktor Ustanove je prihvatio prijedlog i donio Odluku o izboru najpovoljnijeg ponuđača br. 6576/2018 od 10.12.2018. godine.

Na navedenu odluku ponuđač „Redex“ d.o.o. Banovići je uložio žalbu br. 658-12/18 od 18.12.2018. godine. Nakon što je konstatovano da se radi o blagovremenoj, dopuštenoj i žalbi podnesenoj od strane ovlaštene osobe, ugovorni organ je istu ocijenio kao neosnovanu i blagovremeno, u skladu sa članom 100. stav (5) Zakona o javnim nabavkama BiH (Sl. glasnik BiH 39/14), proslijedio Uredu za razmatranje žalbi na dalje postupanje. Ured za razmatranje žalbi - podružnica Mostar je 31.01.2019. godine dostavio Rješenje br. JH-03-07-1-1763-10/18 u kojem je usvojio navedenu žalbu ponuđača „Redex“ d.o.o. Banovići i predmet vratio ugovornom organu na ponovni postupak, uz obrazloženje da isti okonča u skladu sa stavovima predmetnog rješenja.

Uvažavajući navedeno Rješenje Ureda za razmatranje žalbi, Komisija za provođenje postupka javnih nabavki je izvršila ponovni pregled i evaluaciju pristiglih ponuda. Obje ponude su ocijenjene kao prihvatljive, a primjenjujući kriterij najniže cijene zadovoljavajuće ponude u skladu sa članom 64 stav (1) tačka a) Zakona o javnim nabavkama BiH, Komisija je zaključila da je ponuđač „Redex“ d.o.o. Banovići dostavio najpovoljniju ponudu.

U postupku donošenja ove odluke, posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača, kao i ocjenu prispjelih ponuda, shodno kriterijima iz tenderske dokumentacije, te da je izbor izvršen u skladu sa Zakonom o javnim nabavkama („Službeni glasnik BiH“ broj 39/14), podzakonskim aktima i tenderskom dokumentacijom.

Shodno gore navedenom, u skladu sa kriterijem najniže cijene zadovoljavajuće ponude, ugovorni organ je konstatovao da najpovoljniji ponuđač ispunjava uslove i da se ponuda uklapa u finansijska sredstva predviđena za ovu nabavku, te je iz tih razloga odlučeno kao u dispozitivu.

Pouka o pravnom lijeku:

Protiv ove Odluke može se uložiti žalba direktoru Ustanove u roku od 5 dana od dana prijema i ista se podnosi pismeno putem pošte ili direktno na protokol Ustanove u objektu „Pčelica“ u Tuzli, ul. Krečanska 3.

DOSTAVLJENO:

1. Ponuđačima
2. Spis
3. A/a



DIREKTOR

Sanja Karić

Karić Sanja, dipl. iur /

Broj: 802 /2019
Tuzla, 06.02.2019. god.

Sanja Karić